

Naqqiut

Periutsikkut (teknikkikkut) iluarsineqarsimammat siunnersuut 23. februarimik ullulerneqartoq taarserpaa.

Uunga siunnersuut: Kalaallit Nunaata Aatsitassarsiornermi Aningaasaateqarfia pillugu Inatsisartut inatsissaata allannguuteqartinneqarnera pillugu Inatsisartut inatsisaat.
(Inuussutissarsiornermut Aatsitassanullu Naalakkersuisoq)

Oqallisissiaq

(Inuussutissarsiornermut Aatsitassanullu Naalakkersuisoq)

Siullermeerneqarnera

Kalaallit Nunaata Aatsitassarsiornermi Aningaasaateqarfia pillugu Inatsisartut inatsissaata nr. 6, 5. december 2008-meersup allanngortinneqarnissaanut siunnersuutip taamaallaat Inatsisartut inatsisaani atuuttumi atuutilernissaa pillugu aalajangersakkamik allanngortitsisuuvoq.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat aatsaat atuutilissaaq ukiumi ataatsimi aatsitassanit landskarsimut isertitat 5 millioner kr. qinnerpagit. Taamaammat piumasaaqat taanna suli eqquutsinneqarsimangimmat Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat suli atuutilinngilaq.

Siunnersuutip siunertaraa namminersorlutik oqartussat naalagaaffiup tapiissutaani ingiaqatigiittumik ikilisikkiartuaarnissaanut aningaasat killissarititaat qulakkeerneqassasoq, aningaasaateqarfiullu allaffissornermut aqunneqarneranullu aningaasartuutit aningaasaateqarfiup aningaasaataanut isertitaanullu naammaginartumik naleqqatigiinnissaat qulakkiissallugu.

Taamaammat siunnersuutip atuutilernissaanut aalajangersakkap allanngortinneqarnerani ukiumi ataatsimi aningaasat aatsitassanit isertitat aatsitassanit isertitat 5 mio. kr.-nit 75 mio. kr.-nut qaffanneqarput.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat 2008-mi akuerineqarmat Kalaallit Nunaata Namminersorlutik Oqartussat pillugit inatsit suli akuerineqarsimangilaq, aatsitassanillu isertitat taakkulu nassuiaataanni aningaasat namminersorlutik oqartussat inatsisaannit malitsigisatut killissarititaasut suli taamani ilisimaneqarsimanatik.

Naalakkersuisut maanna naliliipput aningaasaatit 5 millioner koruuniusut isertitsissutaanissaanni siulersuisunut aqutsisunullu kiisalu allaffissornermut aningaasaateqarfiup aningaasartuutissai naammattumik matussusiinissamut aningaasaateqarfik naammattunik isertitaqarsinnaangimmat, tamannalu inatsisip atuutilinnginnerani aningaasat amerlassusissaat 75 millioner kroninut qaffannissaat pillugu siunnersuummut aamma tunngaviuvoq.

Taama oqaaseqarlunga oqaaseqaatit Inatsisartunut suliarisassanngorlugu tunniuppara.